

Carta a los Gálatas

Kjibokwo ère tara Pablorë Galacia sopga kong

Kjibokwo ère sorë

Domer shäng kjlara ko Pablo. E Sbö tjlokwo laga Jesús aska wleniyo. Galacia kjokyo ga Jesús tjlokwo kragaga löng li, epga judíoga llëm wleniyo uunkong seke. E kjishko ga löng mär Jesús go llëm obishko ga kjok llgwekklo tara Moisésdë li söya lok llëme. Eni ga Pablo öör eshko Jesús roy pjílú lë ba kongshko ga tjläno ba kong ga ëye där kjok llgwekklo li söya bëy kjishko llëme lara eni.

Gueniyo Pablo opshino eshko dwayo irgo ga judíoga kjone kjone öötong löng eshko. Epga mär Jesús go le, miga jyö erä. Eshko ga Jesús tjlokwo kragaga li jyäpgwara lok tjlokwo bek llëm li go. Tjläno ba kong ga epga där wlo ga woyde ga epga mär Jesús go dö llëm, woyde ga kjok llgwekklo tara Moisésdë li söya lok bakoe lara lok eni. Eshko ga kjone kjone omtjlokwo kjrono. E kjishko ga kjibokwo ère go ga llëbo jyä tara Pablorë, nopga eniyo li kjishko, Jesús tjlokwo kragaga li jek löng ba tjlokwo bek llëm li go ame wlo.

1 ¹ Kjibokwo ère taga tja Pablorë. Tja ichaga norë llëme. Tja kragaga Jesucristorë, ba woshraga Data Sbö lirë bako, ga tja ichara lok beno shäng ba tjlokwo roy laga Jesús aska.

² Jesús tjlokwo kragaga löng Galacia kjokyo, kjibokwo ère ichër jek bomi kong.

Pjeyoga tjlokwo kragaga löng na bor tjok li, «¿Pjäy yonde?» le bomi kong.

³ Rokër bi Data Sbö kong, Tjlapga Jesucristo kong ga ba wopjílú li kjishko ga pjäy kjimte lok ara, pjäy ie ber löng wlep bakoe. ⁴ Jesucristo optwono wolono, owa pjang bi go li löya ber dret wlo, shji döya llëbo owa tjeng kjok ère kjing goshko li dbo dorko dwayo wlo, woydara Data Sbörë sorë li eni.

⁵ Data Sbö li, e poshrëy, iëy ber kësband, tjwlo ara iyado wlo. Ber eni.

Tjlokwo pjílú kjinaso

⁶⁻⁸ Dënashko ga Cristo roy pjílú lorowa bomi kong. Ga Sbö wopjílú li kjishko ga pjäy rokara, ga ba tjlokwo li kjroromi. Eni ga tja wotjläno ga pjäy jek löng e

go ñoror. Gueniyo pjāy roy shrono owa, koshër sòk dik ñlème. Roy kuror ga pjāy Sbò rayono māling, ga tjlòkwo oblè sòmire shara. Gueniyo tjlòkwo pjłú jlòkoyo ñi, e kjrinaso dõe. Tjlòkwo kjroromi kjupā ñi, e jyò erā. No kjone kjone omñono bomi kong, pjāy kā ñlgwīya wło. Cristo roy pjłú ñi kjłopswe ñok woydè ber oblè. Rokër Sbò kong ga èye tjlòkwo ñè bomi kong, ñororwa bomi kong dēnashko dik ñlēm ga shdūya. Ľaga tjawarè, Ľaga Sbò parkaga kjok dogo sorè eni wñeni ěmdè ga tjlòkwo oblè Ľaga ñi shdungga ber Sbörè ñyado wło. ⁹Ñoror bomi kong tjān, gueniyo ñèr jek bomi kong obi. Rokër Sbò kong ga èye tjlòkwo ñè bomi kong, ñororwa bomi kong dēnashko dik ñlēm ga shdungga ber Sbörè ñyado wło.

¹⁰Nopga ber wopjłú bor tjok ñi wñentè ñlème. Sbò ber wopjłú bor tjok ñi wñentè erõe. Tja parkè nopga ber lõng wopjłú bor tjok wło kjwe ga tja Cristo parkaga ñlème.

Pablo beno shāng Sbò tjlòkwo roy Ľaga Jesús āska sorè

¹¹Pjeyoga, tjlòkwo roy pjłú ñi ñoror bomi kong dēnashko ñi, e Ľaga norè bām go ñlème. ñèr bomi kong, miydēmi wło. ¹²E Ľara norè bor kong ñlēm, tja pingga norè ñlēm bakoe. E Ľaga Jesucristorè om go bor kong.

¹³⁻¹⁵Shāryono eni. Tja wentè ñlēm obishko ga tja kjrara Sbörè, ga tja rokara ber shāng ba parkaga wło, ba wopjłú ñi kjīshko. Gueniyo tja dēna shāng judfoga tjlòkwo sòkshko ga tja roy sorè miydoromi tjān. Eshko ga tja Jesús tjlòkwo křagaga wloyo. Ľlèbo shāryoror ba kong ñok ara, pjir ber dret wło ñoror. Borwa tjlāpgaga tek dēnashko so tjlòkwo ñi söror pjłú, owa ñlēm, bor pjeyoga ñuyo bor tjok bëy ñi kjinmo. Gueniyo eshko ga ¹⁶ba Wa pina Sbörè bor kong, miydër wło, roy ñèr nopga judfó ñlēm wñeniyo kong wło. Eshko ga ñlèbo kjakrokroror nopga kong ñlème. ¹⁷Eshko ga Sbò tjlòkwo roy Ľaga Jesús āska lõng Jerusalén kjokyo. Gueniyo parkè lõng eni bor bām go ěmdè ga tja āātè ñan ba tjok eshko guing ñlème. Tja jekdo Arabia kjokyo. E irgo ga tja tek Damasco kjokyo iröng obi.

¹⁸Łu pjłogłō mya irgo ga tja jek öötong shāng Jerusalén kjokyo Pedro ñk, ga tja beno sòk ba tjok eshko dbargwo sak kjwara kjingsho shkēng (15). ¹⁹Tjlāpga Jesús ñēng Santiago ñi ñnor eshko bakoe. Gueniyo Sbò tjlòkwo roy Ľagaga Jesús āska ñlamo ñi ñnor ñlème. ²⁰Ñèr bomi kong jlòkoyo Sbò bokso ga tjlòkwo ère, e jlõe.

²¹E irgo ga tja öör jong Siria kjokyo, Cilicia kjokyo bakoe. ²²Eshko dbaryo ga Jesús tjlòkwo křagaga lõng Judea kjokyo ñi, tja ñyde ñok ñlēm obi. ²³Tja roy kura ñok erõe. No kjone kjone tjlē lõng ba kong ga «Bi irpjangga dēnashko to shāng Jesús roy pjłú ñi pjik wło Ľara. Gueniyo eerishko ga to shāng e roy shdök oba kong shara» ñè ñok ba kong eni. ²⁴Eshko ga Sbò poshrèra ñok ara bor kjīshko.

Pablo włokjrara Sbò tjlòkwo roy Ľagaga Jesús āska ñirè

2 ¹Łu pjłogłō sak kjwara kjingsho pkēng (14) irgo ga tja to jek Jerusalén kjokyo obi, Bernabé tjok, Tito tjok bakoe. ²Tja to jek eshko, Ľara Sbörè bor kong eni kjīshko. Tja öötong shāng eshko ga tja tōno Jesús tjlòkwo křraga kāgāyoga tjok dboshko, ga Jesús roy pjłú ñèr nopga judfó ñlēm wñeniyo kong sorè

li ñoror ba kong pjire. Shäryoror eni, pak shäryër shäng li ber tjwlo ñlëm wlo ñlëme. ³Tja ñano ba tjok pjir ga ëye ichara ñok doyo jyã të ñlëme. Tito, e judío ñlëm kjishko ga e doyo jyã tak ñlëme. Ga jëk shäng bor tjok ëmdë ga ichara ñok doyo jyã të ñlëm bakoe. ⁴Gueniyo nopga löng eshko kjlöbö. Epga mär löng Jesús go ñe, gueniyo jyö erä. Löng borwa tjok lütshko, borwa ik wlo. Shji töno beno tjeng Cristo Jesús tjok kjishko ga shji döra, shji iara beno löng kjok ñlgwekklo tara Moisésdë li kolë ame wlo, gueniyo eshko ga tjawa iche woydë epgarë ber löng kjok ñlgwekklo li kolë iröng obi. Tjle ñok ga «Ëye mär woydë Jesús go ga woyde ga doyo jyã tak pjir guing» ñe ñok eni. ⁵Gueniyo ga kolörorwa sira ñlëme. Tjlokwo pjlu kjroromi, sömi löng li, e beke. E kjlopswako ñlëme. Epga kolörorwa ñlëm e kjishko.

⁶Jesús tjlokwo kjraga kägäyoga löng eshko li tjwlo ara ñëba. Gueniyo Sbö kong ga shji uunkong tjwlo beke. E kjishko ga epga tjwlo ara ñëba ëmdë ga bor kong ga tjwlo oblë kjinmo ñlëme. Gueniyo epga ëmdë ga tjlokwo roy pjlu li ñër shäng li kjingsho ñlëye iara ñok ñlëme. ⁷⁻⁸Dënashko ga Pedro ichara Sbörë ba tjlokwo roy pjlu ñe judiöga kong Jesús äska, ga kjimtara ara. Ga tja shäng eshkoshko ga miydara ñok ga tja kjrara Sbörë eni bako, ga tja ichara ba tjlokwo roy pjlu ñe nopga judío ñlëm wleniyo kong, ga tja kjimte shäng ara bakoe. ⁹Santiago, Pedro, Juan, e löng eshko. Jesús tjlokwo kjraga kägäyoga tjwlo arayo ñëba li epga. Tja, Bernabé, tjawa kjimtara Sbörë ara li miydara lokshko ga tjawa orkwo iona, tjawa beno löng wopjlu ëng tjok li löklo. Eshko ga tjawa beno löng tjlokwo ñe nopga judío ñlëm wleniyo kong, ga epga beno löng tjlokwo ñe judiöga kong. ¹⁰Tjawa kong ñlëbo rokara kjrina döe. Woydara ga nopga song wleniyo kjimterwa. Gueniyo bor kong ga e kjang ñlëm, shäryër eni iyado kjishko.

Pedro wlonä Pablörë

¹¹Pjlara ga Pedro öör na Antioquía kjokyo. Sök na obishko ga wlonor ara, ñlëbo shärye shäng owa kjishko. ¹²⁻¹³Shronoshko ga ië nopga judío ñlëm wleniyo tjok, jyã tak ñok ñlëm gueniyo. Era pjluë. Gueniyo e irgo ga nopga shrono löng Jerusalén kjokyo dwayo kjlöbö, ichaga Santiagorë. Jerusalén kjokyoshko ga judiöga löng kjlöbö, wotjlik ga ëye mär woydë Jesús go ga woyde ga doyo jyã tak pjir guing ñe ñok eni. Eni ga bangkjre Pedrorë ga ië nopga judío ñlëm wleniyo tjok wleni ga roy söya nopga shrono löng ñirë, nopga wotjlik eni wleniyo löng Jerusalén kjokyo li kong. E kjishko ga eshko jek ñëkong ga opkjono nopga judío ñlëm wleniyo lishko dwayo, ga iono ba tjok ame. Opkjono eni li, e owa. Judiöga oblë löng li omshäryono ñok owa eni bakoe. Bernabé ëmdë ga omshäryono baiya dik bakoe. ¹⁴E kjishko ga in ga tjlokwo pjlu li söya ñok bek ñlëm kuzong ga tja tjleno Pedro kong nopga uunkong bokshto. Tja tjle ga «Pja judío, gueniyo pja jëk shäng nopga judío ñlëm wleniyo dik. ¿Eni ga nopga oblë judío ñlëm wleniyo ichëp woydë dbo go ber löng judío wleni ega?

¹⁵»Nopga judío ñlëm wleniyo jëk löng ñlëbo owa shäryë. Gueniyo shji judiöga jlöe. ¹⁶Eni ëmdë ga miydoroy ga shji ber pjlo bek Sbö bokso, kjok ñlgwekklo li söy kjishko ñlëme. Shji ber pjlo bek Sbö bokso wlo ga woyde ga

shji mār Jesucristo go. Nopga judío llēm wleniyo mār löng ba go tjän, gueniyo shji judíoga ëmdë ga shji mār löng ba go bako, shji ber pjlo bek Sbö bokso wlo. Ëye ie Sbörë ber pjlo bek ba bokso, kjok llgwekklo li sök kjishko llëme.

¹⁷»Shji ber pjlo bek Sbö bokso, shji töno beno tjeng Cristo tjok kjishko. Eni ga shji ber löng kjok llgwekklo li sök ame kuzong ga judíoga kjone kjone wotjlik ga shji beno löng llëbo owa shäryë le lok eni. Gueniyo shji iche Cristorë llëbo owa shäryë, e lotë llëme. E eni llëme. ¹⁸Bäm goshko ga tja tjëno ga shji ber pjlo bek Sbo bokso, kjok llgwekklo li söy kjishko llëme loror. Gueniyo söy, shji ber pjlo bek Sbö bokso wlo lër bomi kong eeri kjwe ga llëbo owa shäryotë shäng. ¹⁹Bor shdungglo tak pjang kjok llgwekklo go li, e potjwëk pjir tjän. Tja zröra kjok llgwekklo lirë wleni. E kjishko ga llëye shärye bor kong ga ä tjän. Tja jëk shäng Sbö tjok shara. ²⁰Cristo zröraba pjang kjlös goshko ga tja wolono pjang ba tjok eshko wleni. Eni ga tja opichë om go ame. Cristo shrono bor go, ga tja wlosöga erë shara. Tja woydara Sbö Wa lirë ara, ga optwono wolono bor kjishko. Eni ga tja sök kjok ëreshko obi ga tja mār ba go eröe. ²¹Sbö wopjlú li kjishko ga Cristo ichara wolon bi kjishko. Gueniyo shji ber pjlo bek Sbö bokso, kjok llgwekklo li söy kjishko kjwe ga Cristo wolono li tjwlo llëm, Sbö wopjlú li tjwlo llëm bakoe» lër.

Shji dār, shji mār Sbö go kjishko döe

3 ¹Pjāy kā kjange! ¿Pjāy iaga ëro? Loror bomi kong wëllë ga Jesucristo zröraba pjang kjlös go. ²Woydër ga llëbo kjakrokër bomi kong pjlara li dboryozï bor kong. ¿Bomi go Sbö Sëya shrono beno kësbang bomi tjok li llë kjishko? ¿Kjok llgwekklo li söromi kjishkore, de Jesús tjlokwo kjroromi li kjishko? ³Pjāy kā kjangdo? Soyoromi jëk Sbö tjok, ba Sëya go. Gueniyo eerishko ga pjāy jëk woydë ba tjok bomi dbo om go li go. ⁴Pjāy mār Jesús go kjishko ga llëbo weno bomi kong owa ara. ¿Eerishko ga beno llëno llëm wlore? ⁵¿Ba Sëya iche Sbörë tjwe bomi go ber kësbang bomi tjok wlo ega? ¿Llëbo iydëba llëm wleniyo shärye bomi tjreko ega? ¿Kjok llgwekklo li söromi kjishkore, de pjāy mār Jesús go li kjishko?

⁶Abrahamda Sbö tjlokwo kjrono, ga mār beno shäng ba go. E kjishko ga iara Sbörë beno pjlo bek ba bokso. ⁷Eni ga shji ber Abraham tjëyoga jlokoyo wlo ga woyde ga shji mār Sbö go eni bakoe. ⁸Eerishko ga nopga judío llëm wleniyo mār Sbö go li, e ie Sbörë ber pjlo bek ba bokso. Dënashko ga tak pjang Sbö kjibokwoyo li go eni. Eshko ga ba tjlokwo roy pjlu lara Sbörë Abraham kong, tjllë ba kong ga «Tjëyoga kjimtër uunkong bop kjishko» le. ⁹Abraham mār Sbö go, ga kjimtara. Eni ga ëye mār Sbö go ga kjimte eni bakoe.

¹⁰Kjok llgwekklo li go Sbö tjlokwo tak pjang eni: «Ëye kjok llgwekklo ëre sök uunkong bëy iyado llëm ga e shdungko.» Eni ga ëye dār woydë, kjok llgwekklo li söya kjishko le ga e shdungko. ¹¹Tjlokwo tak pjang e go kjwara obi tjllë ga «Ëye mār Sbö go ga era ie ber pjlo bek ba bokso.» E kjishko ga ëye ie Sbörë ber pjlo bek ba bokso, kjok llgwekklo li söya kjishko llëme.

¹²Tjlokwo tak pjang e go kjwara obi tjllë ga «Ëye mār woydë kjok llgwekklo

ère go ga e söya bëy ñyado dey.» E kjishko ga ëye dār woydë, kjok ñlgwekklo ñi söya kjishko ñe ga mär shäng Sbö go ñlëm, Sbö woyotñiya shäng ñlëm kjishko.

¹³Sbö tñlökwo tak pjang eni bakoe: «Ëye woñono pjang kjor go ga e shdunglo.» Eni ga Cristo opyono, woñono pjang kjlös goshko ga bi shdunglo tak pjang kjok ñlgwekklo go ñi beno pjang ba go. Eni ga shji döra bi shdunglo ñi dbo dorko dwayo. ¹⁴Dënashko ga Sbö tñlëno Abraham kong jñökoyo ga nopga judío ñlëm wñeniyo kjimte ñara. Eni ga shji döra Cristo Jesúsde, tñlökwo ñara ñi ber jñökoyo wlo. Eni ga shji mär ba go kjishko ga ba Sëya iche ñara Sbörë bi kong jñökoyo ñi tjwe bi go ber kësbang bi tjok ga pjñue.

Tñlökwo ñara Sbörë jñökoyo ñi kjara kjok ñlgwekklo ñirë ñlëme

¹⁵Pjeyoga, tñlökwo ñer bomi kong ñlëbo jyäglö go. Domer shäng kjlara tñlökwo twë oblë kong, ber ñyado wlo ga tñlökwo ñi löngga ërë ñlëme. ¹⁶Dënashko ga Sbö tñlëno Abraham kong, ba tjëyo tek ber ba irgo ñi kong jñökoyo. Tñlökwo tak pjang Sbö kjibokwoyo go ñi, e «ba tjëyoga» ñe ñlëme. Tak pjang ñi, e «ba tjëyo» ñe. E no kjlaraso löklo, e Cristo layde. ¹⁷Tñlökwo ñer shäng ñi ère. Sbö tñlökwo ñono Abraham kong, beno ñyado wlo bäm goshko. Öötong ñu pjloglo sak dbaw pjloglo pkëng kjingsho sak myashko (430) ga kjok ñlgwekklo ñi twara Moisés kong. Gueniyo tñlökwo twara bäm go ñi kjara kjok ñlgwekklo ñirë ñlëme. E ie ber tjwlo ñlëm wlo ga äe. ¹⁸Shji kjimte Sbörë, kjok ñlgwekklo ñi söy kjishko kjwe ga shji kjimte tñlökwo twara bi kong, beno ñyado wlo ñi kjishko ñlëme. Gueniyo Sbö wopñü ñi kjishko ga tñlökwo twara Abraham kong, ga kjimtara iguing.

¹⁹¿Eni ga kjok ñlgwekklo ñi ñlëno? Twara Sbörë judioga kong, ñlëbo shärye lok owa ñi miydoklo, äär jong Abraham «tjëyo» tjwe ñara jñökoyo ñi shrono guing. Ga kjok ñlgwekklo ñi ñara Sbörë ba parkagaga kjok dogo so kong. Ga epga omñono Moisés kong. Ga Moisés omñono nopga kong. Eni ga Moisés beno shäng Sbö tñlökwo ñaga nopga kong, beno shäng nopga tñlökwo ñaga Sbö kong bakoe. Kjok ñlgwekklo ñi weno eni. ²⁰No parkë eni ga kägäyo kjlaraso ñlëm, e parkë shäng oblë oblë ñi tñlökwo ñaga kjishko. Gueniyo Sbö tñlökwo ñono Abraham kong jñökoyoshko ga ñaga erë shäng om go ba kong.

Shji parkagaga tjwlek löng pjir wñeniyo dik ame

²¹Kjok ñlgwekklo ñi, tñlökwo ñara Sbörë Abraham kong jñökoyo ñi, e ber ëng wloyo lotë ñlëme. Shji ie kjok ñlgwekklo ñlërë ber löng së ñyado Sbö tjok ga pjñü kjwe ga shji beno pjñö bek Sbö bokso kjok ñlgwekklo ñi kjishko tjän. ²²Gueniyo Sbö tñlökwo tak pjang ñi tñlë ga shji uunkong löng bi wotñik owa ñi dbo dorko, nopga löng kjërshko wñeni. Shäryara Sbörë eni, tñlökwo ñara Sbörë jñökoyo ñi tjwe ber ëye mär Jesucristo go ñi kong wlo.

²³Nopga mär Cristo go dbaryo äätë ñlëm obishko ga tjawa ichaga kjok ñlgwekklo ñirë. Ga tjawa beno löng ba dbo dorko, Cristo tjwe guing. ²⁴Shji dara kjok ñlgwekklo ñirë, äär jong Cristo shrono guing, shji mär ba go wlo,

shji ber pjǎo bek Sbö bokso e kjǎshko wǎo. ²⁵Eerishko ga shji mär Cristo go kuzong ga shji daga beno kjok ðlgwekkǎo ðirë ame.

²⁶Pjǎy mär lõng Cristo Jesús go kuzong ga pjǎy uunkong Sbö wapga. ²⁷Pjǎy waraba jer di roshko, pjǎy tǎno beno tjeng Cristo tjok kuzong ga pjǎy jëk ber lõng Cristo dik. ²⁸Eni ga Sbö kong ga pja judiore, de pja judío ðlëmde, e ðlëno ðlëm, pja parkagaga tjwǎk shǎng pjir wǎniyore, de eni ðlëmde, e ðlëno ðlëm, pja domerde, de walëre, e ðlëno ðlëm bakoe. Pjǎy tǎno beno tjeng Cristo Jesús tjok kuzong ga pjǎy uunkong tjwǎo beke. ²⁹Pjǎy Cristo ð ga pjǎy Abraham tjëyoga jǎokoyo. Ga tjǎokwo ðara Sbörë ba kong jǎokoyo dënashko ði, e beno bomi kong eni bakoe.

4 ¹Tjǎokwo ðër shǎng ði eni: Domer tjwǎo ara ði wa, ðlëbo uunkong ba data ði, e ðlono ga ber baǎya ëmdë ga kjwozir obishko ga tjwǎo parkaga tjwǎk shǎng pjir wǎniyo dik, äär jong ba ðuyo go guing. ²E wopro ga nopga iara ba datarë beno lõng ba dë, epga kolë wǎo, äär dbar ðlono ðara ba datarë guing.

³Shji uunkong eni bakoe. Tjǎokwo bek ði miydoydë ðlëm obishko ga shji sgara lõng ðlëbo shǎryë, nopga Sbö miydë ðlëm wǎniyo dik, parkagaga tjwǎk lõng pjir wǎniyo dik. ⁴Gueniyo dbar öötongshko ga Sbö ba Wa ichono, ga wena walërë. Eshko ga kjok ðlgwekkǎo tara Moisésdë ði shǎryara ba Wa ðirë uunkong bëy, ⁵shji uunkong tjeng kjok ðlgwekkǎo dbo dorko ði döya wǎo, shji ber Sbö wapga wǎo. ⁶Ga pjǎy Sbö wapga kjǎshko ga ba Wa Sëya ði ichara beno bomi go, ber kësbang bomi tjok wǎo. Ga Sbö kowëy bi Data ga pjǎlú, ba Sëya kjǎshko. ⁷Eni ga pjǎy parkagaga tjwǎk lõng pjir wǎniyo dik ame, pjǎy Sbö wapga shara. E kjǎshko ga ðlëbo twe Sbörë ba wapga kong ði twe bomi kong bakoe.

Pablo woydë ara Galacia sopga kjǎshko

⁸Sbö miydomirë ðlëm obishko ga pjǎy parkagaga tjwǎk lõng pjir wǎniyo dik, pjǎy parkë lõng sböpga oblë kong, gueniyo sböpga oblë ði, e sböpga jǎokoyo ðlëme. ⁹Gueniyo eerishko ga pjǎy Sbö miydë, pjǎy kar miyde Sbörë bakoe. Nopga Sbö miydë ðlëm wǎniyo mär ba wotjǎk owa ði go. ¿Enira pjǎy mär woydë nopga Sbö miydë ðlëm wǎniyo wotjǎk owa, ðlëno ðlëm ði go obi ega? ¿Pjǎy opyë woydë ber lõng parkagaga tjwǎk lõng pjir wǎniyo dik obire? ¹⁰Oba sgara lõng dbar shrëk sorë ga pjǎy dbar shrëk woydë eni bakoe. Dbar ðlë, mok ðlë, ðu ðlë, e shrëmi woydë, Sbö ber wopjǎlú bomi tjok wǎo ðëmi. ¹¹Bangkjrër ga pak shǎryoror bomi tjok ði, e beno ðlëno ðlëme ðër.

¹²Pjeyoga, rokër bomi kong ga pjǎy opshǎryos botoya dik, tja opshǎryono bomipjöy dik sorë ga eni. ðlëye owa shǎryoromi bor kong ðlëme. ¹³Miydëmi pjǎlú ga tjǎokwo roy pjǎlú ði ðoror bomi kong bäm goshko ga tja öör eshko, tja swǎo ara kjǎshko. ¹⁴Eshko ga tja swǎo ara ði, e beno bomi kong kjange. Eni ëmdë ga tja ðywomi shjiktëng ðlëme. Tja tjǎokwo kjroromi, tjǎokwo ði ðaga Sbö parkaga kjok dogo sorë wǎni, ðaga Cristo Jesúsde om go wǎni bakoe. ¹⁵Eshko ga pjǎy wopjǎlú erä. ¿Eerishko ga pjǎy oto? Miydër ga eshko dbaryo ga ðlëye woydër sorë ga shǎryoromi bor kong. Pjǎy rokoror bomi bokkwo shik bor kjimtokǎo ðoror

bomi kong kjwe ga shäryoromi bor kong löng wopjüé. ¹⁶¿Eerishko ga pjäy opyë woydë ber löng bor moskwo, tjökwö bek li ñoror bomi kong kjishko ñëmiro?

¹⁷Nopga löng eshko kjöbö, woyde lök jököyo ga pjäy tön löng ba tjok, ba tjökwö sömi jököyo wlo, gueniyo e ber bomi kong pjüü ñëme. Woyde ga tjawa rayëmi, pjäy ber löng ba woyotjik jököyo wlo shara. ¹⁸Woydër ga tja shäng bomi tjokde, de ñëmdë, pjäy ñëbo pjüü shäryë löng ñyado. Pjäy wotjik ñëbo shäryë jököyo li, e pjüü jö, gueniyo ñëbo pjüü shäryëmi wlo eröe. ¹⁹Pjäy bor wapga wëni. Walë wloshko chida tjeng döreshko ga bangyo ara. Pjäy bangyo bor kong ara eni bako, äär jong pjäy löng Cristo dik guing. ²⁰Tja iana shäng eshko, tja tjë bomi kong yötso wlo. Gueniyo ñëye shäryër bomi tjok li miydër ñëme.

Agar, Sara

²¹Pjäy mär woydë kjok ñlgwekklo go li, ¿ñëye tak pjang ba go li miydëmi ñëmdo? ²²Tak pjang eni: Abraham wapga do pjök, wa kjlära ba parkaga tjwëk shäng pjir wëniyo li tjok, wa kjlära obi ba boy tjok. ²³Ba wa ba parkaga tjok li, e weno ñaga norë. Ba wa ba boy tjok li, e weno ñaga Sbörë, tjökwö lära jököyo li kjishko.

²⁴Ëre ñëbo jyäglo. Walëga do pjök ëre, e tjökwö kjring pjök li löklo. Agar, e kjok ñlgwekklo twak Sinaí dñupyoshko li löklo. Ëye mär woydë kjok ñlgwekklo ëre go ga ber löng Agar tjëyoga tek beno ba irgo wëni. Epga, e parkagaga tjwëk löng pjir wëniyo dik. ²⁵Agar, e Sinaí dñupyo jong Arabia kjokyo li löklo bakoe. E nopga löng Jerusalén kjokyo eerishko dbaryo li löklo bakoe. E kjishko ga Agar, e ba mekö wëni. ²⁶Gueniyo Jerusalén kjokyo buk kjok dogo kjrina obi. Kjok eshko sopga, e parkagaga tjwëk löng pjir wëniyo dik ñëme. Ga eshko sopga li, e shji. ²⁷Sbö tjökwö tak pjang eni:

«Llono ga walë rayak beno sök li wapga ara,
walë beno shäng ba ñanma tjok luyo ara li kjinmo.
E kjishko ga walë kjrong, wapga ñëm,
pja wopjüé.
Wloshko tjeng döreshko bang sorë miydëp ñëm,
öö los, pja wopjüü dey.»

²⁸Pjeyoga, Isaac weno li ñaga Sbörë, tjökwö lära jököyo li kjishko. Pjäy iara Sbörë beno baiya dik, tjökwö twara jököyo li kjishko eni bakoe. ²⁹Dënashko ga tjökwö lära Sbörë jököyo li kjishko ga Isaac ichara Sbö Sëyarë wen. Gueniyo Agar wa li iirkono ara ba kong, ga shduna ara. Eerishko ga nopga mär löng kjok ñlgwekklo go li iirkë bi kong ara, ga shji shdüya ara eni bakoe. ³⁰Sbö tjökwö tak pjang eni: «Walë parkaga tjwëk shäng pjir wëniyo li ichos to kjok shto oblë ba wa li tjok. Ba data woñonoshko ga ba ñëbo tjeng kës li ber ba wa jököyo li kong eröe. Lëye ber ba parkaga li wa kong ñëme.» ³¹Eni ga shji walë parkagaga tjwëk löng pjir wëniyo li wapga wëni ñëm, shji domer boy li wapga wëni.

Shji dōra Cristorë

5 ¹Shji dōra Cristorë, kjok ñlgwekklo tara Moisésdë ñi kolëy ame wlo. E kjishko ga pjäy wokjang, pjäy opyë ber löng parkagaga tjwleë löng pjir wleniyo dik ame.

²Tja Pablo, tja tjlokwo kuzia. Pjäy doyo jyä të, pjäy ber pjlo bek Sbö bokso wlo wleni ga Cristo beno bomi kong tjwlo ñlëme. ³Ñër jek bomi kong obi ga domer ñlë doyo jyä të, ber pjlo bek Sbö bokso wlo ga ber shäng kjok ñlgwekklo ñlamo ñi kolë wlo bakoe. ⁴Pjäy mär kjok ñlgwekklo ñi go, pjäy ber pjlo bek Sbö bokso wlo wleni ga pjäy löng Cristo tjok ñlëm, ga Sbö wopjlu ñi ber bomi kong tjwlo ñlëme. ⁵Gueniyo shji mär Cristo go kuzong ga shji kjimte Sbö Sëyarë, shji ie ber pjlo bek Sbö bokso dbaryo ñi koshë löng wopjlu wlo. ⁶Shji tōno beno tjeng Cristo Jesús tjok ñi, e tjwlo ara bi kong. Ga shji mär ba go kjishko ga shji oblë woydë ñyado. Gueniyo Sbö kong ga shji doyo jyä tëre, de ñlëmde, e ñlëno ñlëme.

⁷Bäm go ga pjäy jëk löng Sbö tjok pjluë. ¿Tjlokwo bek ñi sömi ame ñaga ërë bomi kong? ⁸Pjäy rokara Sbörë tjlokwo pjlu ñi sök wlo. E kjishko ga bomi songga ñi ichaga erë ñlëme. ⁹Oba tjle ga «Pjlung shosho uukklo chira dö ëmdë ga pjlung shosho bayo kjöm pogo ga uuya pjire» ñëba eni. ¹⁰Gueniyo miydër pjlu ga pjäy Tjlapga Jesús i. E kjishko ga miydër ga wop ä ga pjäy wotjlik ber löng botoya dik iröng obi. Ga bomi jyäpgwaga to löng ñi, e shdüya Sbörë, ë ga eni.

¹¹Pjeyoga, shji doyo jyä të, shji ber pjlo bek Sbö bokso wlo ñër shäng oba kong kjwe ga tja shdüya judíogarë ñlëme. Gueniyo shäryër eni wleni kjwe ga Cristo wolono pjang kjlös go bi kjishko ñi ber tjwlo ñlëme. ¹²Gueniyo bomi jyäpgwaga to löng ñira, woydër ga doyo jyä të dö ñlëme. Woydër ga epga opkë lok om go dey.

¹³Pjeyoga, pjäy rokara Sbörë ber löng ichaga kjok ñlgwekklo tara Moisésdë ñirë ame wlo. Gueniyo pjäy beno löng kjok ñlgwekklo ñi kolë ame wlo ëmdë ga pjäy beno jëk löng bomi wotjlik owa ñi go wlo ñlëm bakoe. Pjäy ëng woydos ara kar kar, pjäy ëng kjimtos bakoe. ¹⁴Kjok ñlgwekklo uunkong ñi ber kjrinaso wleni: «Pja opwoydë sorë ga bop kjlara, e woydos eni bakoe.» ¹⁵Gueniyo pjäy sjëke. Shäryëmi löng eni ñlëme. Pjäy löng ëngkjwë ëng tjok kar kar erä. Shäryëmi löng eni ga pjäy ëng pjik löng om go erä.

Shji mär Sbö Sëya go

¹⁶Eni ga ñër bomi kong ga pjäy mär Sbö Sëya go. Enira pjäy jëk bomi wotjlik owa ñi go ñlëme. ¹⁷Bi wotjlik owa ñi, e owa Sbö Sëya bokso. Ga bi wotjlik owa ñi, e ñlëye woyde Sbö Sëyarë ñi wloyo wleni. Wotjlik kjing pjök ñi, e oblë oblë, ëngkjwë ëng tjok wleni. E kjishko ga olö ga ñlëye shäryëmi woydë pjlu ñi, e shäryëmi ga äe. ¹⁸Gueniyo pjäy mär Sbö Sëya go ga pjäy ichaga kjok ñlgwekklo ñirë ame.

¹⁹Nopga jëk ba wotjlik owa ñi goshko ga ñlëye shärye löng ñi ñgöy wëlee. Pë no orkwosmono ba tjok ñlëm ñi tjok. ñlëbo owa shäryako ñlëm ñi shärye. Wotjlik ñlëbo owa shäryë oblë tjok erä. ²⁰Sböpga jyäglö, e poshrëya. Opping ybi, oblë ie wlo. Oblë ñywa shjiktëng. ñnglë kar kar oblë tjok äe. Ymo ara. Iirkë malinge.

Wotjlik ba kjishko eröe. Engkjwë oblë tjok. Tön dboy dboy. ²¹Wotjlik owa oblë kong ba lëbo kjishko. Nelötkë, bërkkë, lëbo owa shärye ara eng tjok. Lëbo oblë, so e kjoyo li shärye bakoe. Loror bomi kong tjän, gueniyo lër bomi kong jek obi ga ëye sgara shäng eni ga äär Sbö sök no pjüyo iyado lishko lëme.

²²Gueniyo shji kjimte Sbö Sëyarëshko ga shji lëbo shäryë oblë. Shji oblë woydë ara. Shji wopjlúe. Shji wlëpe. Shji iirkë maling lëme. Shji wopjlú oblë tjok. Shji oblë kjimtë. Lëye loroy li shäryë eni. ²³Shji lëbo shäryë oblë kong yötso. Shji lëbo shäryë ga woyotjlüy yötso guing. Lëbo ëre shäryë ga pjilú, llgwekklo drete. ²⁴Ëye Cristo Jesús i ga e ichaga ba wotjlik owa lirë ame. Ba wotjlik owa li, e lora beno pjang kjlös go wleni. ²⁵Shji iara Sbö Sëyarë beno löng së jlökoyo kuzong ga woyde ga shji mär ba go. ²⁶Gueniyo shji krë lëme, shji englë kar kar lëme, shji wotjlik owa eng tjok bi lëbo kjishko lëme bakoe.

Shji eng kjimtë

6 ¹Pjeyoga, pjäy mär löng Sbö Sëya go. Eni ga pjäy kjlara lëbo owa shäryono ga poshdüzi yötso. Gueniyo pjäy sjëk, pjäy dir baiya dik lëme wlo. ²Pjäy kjlara imi ga song ga kjimtozia. Eni ga pjäy pina Cristorë sorë ga shäryëmi löng eni. ³Ëye tja tjwlo ara, oblë kjinmo le, tjwlo ara lëme ëmdë ga opjyapgwë shäng om go. ⁴Pjäy lëbo shäryono pjilure, de oware, pjäy kjlara kjlara opmiydos om go. Shäryoromi pjilú ga pjäy ber wopjlú ga pjilú. Gueniyo shäryoromi pjilú, oblë kjinmo lëmi lëme. ⁵Pjäy kjlara kjlara pak llë ga miydaga ber erë om go.

⁶Ëye, shji pïya Sbö tjlokwo goshko ga woyde ga lëbo tjeng bi tjok li shdöy ba tjok.

⁷Sbö jyäpgwëy ga äe. E kjishko ga pjäy opjyapgwë lëme bakoe. Lëye dgoroy ga e bo kjroydë. ⁸Ëye jëk ba wotjlik owa li goshko ga ber shäng shdüya iyado wlo. Ëye mär Sbö Sëya go ga ie Sbö Sëyarë ber shäng së iyado Sbö tjok. ⁹Eni ga shji sjen lëbo pjilú shäryë lëme. Shji wosonkë lëme, äär bi potjwlëkklo dbaryo lishko ga shji potjwlëya pjilú. ¹⁰E kjishko ga kuy ga shji oblë kjimtë ga bue ga kjimtëy dey. Ga Cristo tjlokwo kjrägaga löng li kjimtëy ara anmoyö.

Shji iara Sbörë beno tja glën wleni

¹¹Tja Pablo, tjlokwo ëre tër bomi kong bor orkwo om go go shara. Imi ga tjlokwo jyä glo ëre kjwo kësëse.

¹²Pjäy tjlä ga pjäy döya Sbörë, Cristo wolono pjang kjlös go li kjishko lëmi. Gueniyo ëye om lë eni ga shdungoba e kjishko. E kjishko ga bomi ichaga doyo jyä tē li, pjäy iche lok eni ga ikoba ga ber löng wopjlú ba tjok wlo, shdungoba eni lëme wlo. ¹³Epga doyo jyä tak pjir ëmdë ga kjok llgwekklo tjeng kës li kole lok lëme. Gueniyo woyde lok ga epga kolëmi, ga pjäy doyo jyä tē ber löng baiya dik, epga krë ara bomi kjishko wlo. ¹⁴Gueniyo tjara krë llë kjishko lëme. Tja krë Tjlapga Jesucristo zröraba pjang kjlös go li kjishko eröe. Ba kjishko ga lëbo tjeng kjok ëre kjing go tjwlo bor kong ame, ga nopga kjok ëre so kong ga tja tjwlo lëme bakoe.

¹⁵Sbö kong ga shji doyo jyã tak pjirde, de lïemde, e lïëno lïëme. Shji kjłopswara beno tjağlën włeni lï, tјwłõ ara lï e.

¹⁶Tјłokwo lër shäng bomi kong ëre sömi włeni ga pjăy kjrara Sbörë beno ba nopga, judíoga kjrara dënashko włeni. Eni ga rokër Sbö kong ga pjăy uunkong eni lï songe lë ãyado, pjăy ie ber llong włëp bakoe.

¹⁷Era eni ga tjara doyo băng łok, tja shporaba ara, Jesús kjışhko. E kjışhko ga woydër ga eeri jek lëkong ga ëye lïëbo shăryë tјwe bor barwokło ame.

¹⁸Pjeyoga, rokër Tјłapga Jesucristo kong ga ba wopјłú lï kjışhko ga pjăy kjimte ara. Ber eni.